

摘藻堂四庫全書薈要

史部

欽定四庫全書薈要卷八千二百三十二

吏部

欽定大清會典卷三

吏部

尚書滿漢各一人左右侍郎滿漢各一人掌中
外文職銓叙黜陟之政釐飭官常以贊邦治所
屬有文選考功稽勲驗封四司

文選清吏司郎中滿三人蒙古漢各一人員外
郎滿漢各二人主事滿一人漢二人掌班秩遷

除均平銓法

考功清吏司郎中滿三人漢一人員外郎滿二人蒙古漢各一人主事滿一人漢二人掌論劾考察旌別功過

稽勲清吏司郎中滿漢各一人員外郎滿二人漢一人主事滿漢各一人掌更名改籍終養服制兼稽在京文員俸廩

驗封清吏司郎中滿漢各一人員外郎滿二人

漢一人主事滿蒙古漢各一人掌

封贈襲廕土司嗣職

堂主事掌文案者滿二人掌章奏者滿二人漢
軍一人

司務滿漢各一人掌出納文書稽察胥吏

各部同

筆帖式滿五十七人蒙古四人漢軍十有二人
分隸各司視事之繁簡以為額掌繙譯清漢章

奏文籍

各部同

文選清吏司

官制一

京官

國家稽古建官立綱陳紀宗人府宗令宗正宗人
皆王公領之所屬左右司半用宗室其制不隸
於吏部惟漢府丞及司屬旗員之半以類相從
列六部之次內閣

絲綸是職政本繫焉六部都察院通政使司大理寺

為九卿刑部都察院大理寺為三法司以詳議
國是均平政刑理藩院內務府翰林院詹事府太
常光祿太僕鴻臚諸寺國子監欽天監各治一
官京尹敷化郊圻各修迺職率厥典常熙庶績
焉

太師 太傅 太保

少師 少傅 少保

太子太師 太子太傅 太子太保

太子少師 太子少傅 太子少保

已上皆不專設以待
大臣加銜及追贈

內閣大學士滿漢各二人正一品協辦大學士

滿漢各一人

由各部尚書
簡用仍從一品

學士兼禮部

侍郎滿六人漢四人從二品侍讀學士滿四

人蒙古二人漢二人從四品侍讀滿十人蒙

古漢軍漢各二人正六品典籍滿洲漢軍漢

各二人正七品中書滿七十人蒙古十有六

人漢軍八人漢三十人貼寫中書滿四十人
蒙古六人均從七品○中書科中書舍人滿
二人漢四人從七品筆帖式滿十人○

皇史宬尉滿三人正七品

吏部戶部禮部兵部刑部工部尚書滿漢各一
人從一品左右侍郎滿漢各一人正二品所
屬滿漢郎中正五品員外郎從五品主事正
六品司務從九品筆帖式自七品至九品以

出身為差

吏部屬司四郎中滿八人蒙古一人漢四人員
外郎滿八人蒙古一人漢五人主事滿四人
蒙古一人漢六人堂主事滿四人漢軍一人
司務滿漢各一人筆帖式滿五十七人蒙古
四人漢軍十有二人

戶部屬司十有四郎中滿十有八人蒙古一人
漢十有四人員外郎滿三十八人蒙古一人

漢十有四人主事滿十有四人蒙古一人漢
十有四人堂主事滿四人漢軍二人司務滿
漢各一人筆帖式滿九十九人蒙古四人漢
軍十有六人○內倉監督滿二人○寶泉局
監督滿漢各一人大使滿五人

總理三庫

無定員於大臣
內簡用

所屬郎中三人員

外郎六人堂主事一人司庫五人正七品大
使四人筆帖式十有五人

以上均
滿員

總督倉場戶部右侍郎滿漢各一人所屬坐

糧廳滿漢各一人

由科道及各部司官內奏委

倉監督滿

漢各十有四人

由各衙門司官內奏委

大通橋監督滿

漢各一人

由各倉監督內奏調

筆帖式滿四人

禮部屬司四郎中滿六人蒙古一人漢四人員

外郎滿十人蒙古一人漢二人主事滿四人

蒙古一人漢四一堂主事滿三人漢軍一人

司務滿漢各一人筆帖式滿三十四人蒙古

二人漢軍二人○鑄印局員外郎漢一人大

使漢一人未入流筆帖式滿一人○會同四

譯館郎中兼鴻臚寺少卿銜一人

由本部郎中內奏委

大使漢一人正九品序班漢二人從九品朝

鮮通事十有二人

六品六人七品四人八品二人

○馬館監

督二人

由禮部理藩院司官內奏委

樂部

以禮部滿尚書內務府總管及各部院尚書侍郎知樂者兼管

所屬和聲

署署正滿漢各一人署丞滿漢各一人供用

官三十人

均以禮部內務府太常寺鴻臚寺司官贊禮郎筆帖式兼理

兵部屬司四郎中滿十有二人蒙古一人漢五

人員外郎滿十人蒙古三人漢三人主事滿

四人蒙古一人漢五人堂主事滿四人漢軍

一人司務滿漢各一人筆帖式滿六十二人

蒙古八人漢軍八人○馬館監督一人由本

官內

奏委

刑部屬司十有八郎中滿十有七人蒙古一人

漢二十人員外郎滿二十四人蒙古一人漢
十有九人主事滿十有七人蒙古一人漢十
有八人堂主事滿五人漢軍一人司務滿漢
各一人筆帖式滿一百有五人蒙古四人漢
軍十有五人○贓罰庫司庫滿一人正七品
○提牢滿漢各一人由本部司官內專委司獄滿四人
漢軍二人均由本部筆帖式內奏補漢二人從九品

工部屬司四郎中滿十有七人蒙古一人漢四

人員外郎滿十有九人蒙古一人漢四人主

事滿十有二人蒙古一人漢八人堂主事滿

三人漢軍一人司務滿漢各一人筆帖式滿

七十七人蒙古一人漢軍八人○節慎庫員

外郎滿一人

由本部司
官內奏調

司庫滿二人正七品

筆帖式滿二人庫使十一人○製造庫郎中

滿二人漢一人司庫滿二人正七品司匠滿

二人從九品筆帖式滿四人蒙古一人漢軍

二人庫使二十二人○寶源局監督滿漢各一人大使滿二人○琉璃密監督滿漢各一人○街道監督滿漢各一人○木倉監督滿漢各一人○柴廠監督滿二人○煤炭廠監督滿一人

督滿一人

寶源局以下滿漢監督大使均由本部司官筆帖式內奏委

宗人府府丞漢一人正三品○左右二司理事官各一人正五品副理官各一人從五品主事各一人經歷一人正六品

以上均滿員

堂主事

滿一人漢二人筆帖式滿十有二人

理藩院尚書一人從一品左右侍郎各一人正

二品

均滿員或以蒙古補授

所屬司五郎中滿六人蒙

古五人員外郎滿十有八人蒙古十有八人

主事滿四人蒙古五人堂主事滿二人蒙古

三人漢軍一人司務滿洲蒙古各一人筆帖

式滿三十六人蒙古五十五人漢軍六人○

銀庫司官二人

由本院司官內奏委

司庫滿一人正七

品筆帖式滿二人○蒙古繙譯房員外郎一

人主事一人○唐古忒學司業蒙古一人正

六品助教蒙古一人從七品筆帖式蒙古四

人內館外館監督二人

由科道司官內奏委

○游牧

處員外郎蒙古十有六人○張家口喜峯口

獨石口殺虎口古北口管理驛站官各一人

由本院司

官內奏委

都察院左都御史滿漢各一人從一品左副都

御史滿漢各二人正三品十五道監察御史
從五品京畿道河南道監察御史滿漢各二
人江南道監察御史滿漢各四人浙江道山
西道監察御史滿漢各二人山東道監察御
史滿漢各三人陝西道湖廣道江西道福建
道監察御史滿漢各二人四川道廣東道廣
西道雲南道貴州道監察御史滿漢各一人
經歷滿漢各一人正六品都事滿漢各一人

正六品筆帖式滿三十五人蒙古二人漢軍五人

吏科戶科禮科兵科刑科工科掌印給事中滿漢各一人給事中滿漢各一人均正五品筆帖式滿八十人

巡視五城滿漢各一人

科道兼用

五城正指揮各

一人正六品副指揮各一人正七品吏目各一人未入流

內務府總管正二品

以侍衛府屬郎中內三院
簡補或以王公內

大臣尚書侍郎
兼攝無定員

所屬郎中員外郎主事司庫

品級均與各部院同郎中二十一人員外郎

五十九人主事十有二人司俎官五人正六

品內管領三十人正五品副內管領三十人

正六品司庫十有二人司匠二十人正八品

贊禮郎十有七人正九品筆帖式二百九十

八人

武備院卿二人

由侍衛補授一人由內務府郎中補授一人上駟院奉宸

苑卿同

正三品所屬郎中一人員外郎八人主

事二人筆帖式二十八人庫掌八人掌蓋三

人正六品司弓八人司幄三人均正七品司

矢三人司匠八人均正八品

上駟院卿二人正三品所屬郎中一人員外

郎四人主事二人堂主事二人筆帖式二十

五人○廐長十有七人牧長十有一人均正

七品○大凌河牧長三十人正七品

奉宸苑卿二人正三品所屬郎中六人員外

郎八人主事三人苑丞三十二人六品十人
七品五人

八品十人苑副三十九人七品十人
六品八人庫掌

二人六品七品
各一人筆帖式五十九人漢牘官一

人未入流

通政使司通政使正三品副使正四品叅議正

五品均滿漢各一人所屬經歷知事均正七

品滿漢各一人筆帖式滿六人漢軍二人○
掌登聞鼓筆帖式滿洲漢軍各一人

大理寺卿正三品少卿正四品均滿漢各一人
所屬左右寺丞正六品滿洲漢軍漢各一人
左右評事漢各一人堂評事滿一人均正七
品司務滿漢各一人從九品筆帖式滿四人
漢軍二人

翰林院掌院學士兼禮部侍郎滿漢各一人從

二品侍讀學士侍講學士均從四品侍讀侍
講均從五品滿漢各三人修撰從六品編修
正七品檢討從七品庶吉士食七品俸均無
定員所屬典簿從八品孔目待詔均從九品
滿漢各一人筆帖式滿四十人漢軍四人

起居注館記注官滿八人漢十有二人

由翰林詹事坊局官

簡用以
原銜充補

主事滿二人漢一人筆帖式滿

十有四人漢軍二人

詹事府詹事正三品少詹事正四品均滿漢各
一人所屬主簿滿漢各一人從七品筆帖式
滿六人

左右春坊左右庶子正五品左右中允正六
品左右贊善從六品均滿漢各一人

司經局洗馬滿漢各一人從五品所屬正字
漢一人從九品

太常寺卿正三品少卿正四品均滿漢各一人

所屬寺丞滿一人漢二人均正六品典簿滿
漢各一人博士滿洲漢軍漢各一人司庫滿
一人均正七品所收漢一人從七品協律郎
漢五人正八品讀祝官滿八人贊禮郎滿二
十四人漢十有四人均正九品司樂漢二十
三人從九品筆帖式滿九人漢軍一人

光祿寺卿從三品少卿正五品均滿漢各一人
所屬署四署正滿漢各四人從六品署丞滿

八人典簿滿漢各一人均從七品筆帖式滿
十有六人○銀庫司庫滿二人正七品筆帖
式滿二人

太僕寺卿從三品少卿正四品均滿漢各一人
所屬司二員外郎滿二人蒙古二人主事滿
二人蒙古二人主簿滿一人正七品筆帖式
滿八人蒙古八人

順天府尹一人正三品丞一人正四品所屬治

中一人正五品通判一人正六品經歷一人

從七品照磨一人從九品崇文門分司副使

一人未入流司獄一人從九品○轄京縣二

大興縣知縣一人正六品縣丞一人正七品

典史一人未入流巡檢三人從九品牘官一

人未入流宛平縣知縣一人正六品縣丞二

人正七品主簿一人正九品典史一人未入

流巡檢四人從九品牘官一人未入流○儒

學教授滿漢各一人正七品訓導滿一人正七品漢一人從七品

鴻臚寺卿正四品少卿從五品均滿漢各一人所屬主簿滿漢各一人從八品鳴贊滿十有六人漢二人序班漢四人均從九品筆帖式滿四人

國子監祭酒滿漢各一人從四品司業滿洲蒙古漢各一人正六品所屬監丞滿漢各一人

正七品博士滿漢各一人從七品助教滿十
有六人蒙古八人漢六人從七品學正漢四
人學錄漢二人均正八品典簿滿漢各一人
從八品典籍漢一人從九品筆帖式滿四人
蒙古二人漢軍二人○鄂羅斯館助教滿漢
各一人○算法館助教漢一人

欽天監監正滿一人西洋一人正五品監副滿
漢各一人左右監副西洋各一人均正六品

春夏中秋冬五官正滿洲蒙古各二人漢軍

一人漢五人均從六品主簿滿漢各一人正

八品靈臺郎滿三人漢軍一人漢四人從七

品五官挈壺正滿漢各二人從八品五官監

候漢一人正九品五官司書漢一人正九品

五官司晨漢軍一人從九品博士滿六人漢

軍二人漢二十四人從九品天文生滿十有

六人漢軍八人漢二十四人食從九品俸食不

俸者筆帖式滿十有一人蒙古四人漢軍二

人

太醫院院使一人正五品左右院判各一人正

六品所屬御醫十有五人正八品吏目三十

人

八品十有五人
九品十有五人

武職衙門司官

凡武職隸兵部其武職衙門
所設文員仍屬吏部銓選

鑾儀衛主事滿一人經歷漢一人筆帖式滿七

人漢軍三人

三旗領侍衛府主事滿一人筆帖式十有二人
步軍統領衙門員外郎滿二人主事滿二人司
務滿一人筆帖式滿十有二人

親王府管領四人正六品典膳一人從六品司
庫二人從七品司匠四人從八品馬羣牧長
二人從六品牛羣牧長羊羣牧長各一人均
從八品

郡王府管領三人正六品典膳一人從六品司

庫二人從七品司匠四人從八品馬羣牧長
一人從六品牛羣牧長羊羣牧長各一人均
從八品

官制二

壇

廟

陵寢宮

天壇

地壇尉各八人

五品各一人六品各七人均滿員

祠祭署奉祀各一人

從七品祀丞各一人從八品

均漢員

太廟尉十人

四品二人五品八人均滿員

社稷壇尉五人

五品一人六品一人均滿員

日壇

月壇祠祭署奉祀各一人從七品

先農壇祠祭署奉祀一人從七品祀丞一人從八品
帝王廟祠祭署無專員以漢贊禮郎司樂內一人委
理

神樂署署正一人正六品左右署丞二人從

八品

以上均漢員
隸太常寺

堂子尉八人

七品二人八品六人均滿員隸禮部

永陵掌關防官一人正四品副關防官二人正五品筆

帖式二人

隸盛京禮部

福陵

昭陵掌關防官各一人副關防官各二人尚茶正尚膳

正各一人均正四品內管領各一人筆帖式

各四人

昭西陵禮部郎中一人內務府郎中一人禮部員外郎

卷三
二人內務府員外郎一人尚茶正尚膳正各
一人內務府主事一人內管領一人讀祝官
二人贊禮郎四人禮部筆帖式四人內務府
筆帖式二人總管衙門筆帖式二人

孝陵掌關防禮部郎中一人內務府掌關防郎中一人
禮部員外郎二人內務府員外郎一人尚茶
正尚膳正各一人內務府主事一人內管領
一人副內管領一人讀祝官二人贊禮郎四

人禮部筆帖式四人內務府筆帖式二人總
管衙門筆帖式二人

孝東陵內務府郎中一人禮部員外郎二人內務府員
外郎一人尚茶正尚膳正各一人內務府主
事一人內管領一人讀祝官二人贊禮郎四
人禮部筆帖式四人內務府筆帖式二人總
管衙門筆帖式二人

景陵掌關防內務府總管一人正二品禮部郎中一人

禮部員外郎二人內務府員外郎一人尚茶
正一人尚膳正二人內務府主事一人內管
領一人副內管領一人讀祝官二人贊禮郎
四人禮部筆帖式四人內務府筆帖式二人
總管衙門筆帖式二人

景陵皇貴妃園寢內務府員外郎一人讀祝官二人贊
禮郎三人

景陵妃園寢讀祝官二人贊禮郎三人禮部筆帖式二

人總管衙門筆帖式一人

東陵工部郎中一人員外郎四人筆帖式四人

總理

東陵內外事務衙門主事二人筆帖式二人

泰陵掌關防內務府總管一人正二品禮部郎中一人

工部郎中一人禮部員外郎一人工部員外

郎一人內務府員外郎一人尚茶正尚膳正

各一人禮部主事一人工部主事一人內務

府主事一人內管領一人副內管領二人讀
祝官二人贊禮郎四人禮部筆帖式四人工
部筆帖式二人內務府筆帖式二人總管衙
門筆帖式二人

泰陵妃園寢讀祝官二人贊禮郎三人

總理

西陵內外事務衙門主事一人筆帖式二人

孝賢皇后陵寢禮部郎中一人內務府掌關防郎中

一人禮部員外郎二人內務府員外郎一人
尚茶正尚膳正各一人內務府主事一人內
管領一人副內管領一人讀祝官二人贊禮
郎四人禮部筆帖式四人內務府筆帖式二
人總管衙門筆帖式二人

端慧皇太子園寢副內管領一人讀祝官二人贊
禮郎三人

聖賢後裔

職均
世襲

先師後裔太常寺博士一人國子監學正一人尼山

書院學錄一人洙泗書院學錄一人孔顏曾

孟四氏學教授一人學錄一人南宗五經博

士一人元聖周公述聖子思子復聖顏子宗

聖曾子亞聖孟子先賢仲子閔子冉子伯牛

冉子仲弓端木子言子卜子顓孫子有子周

子明道程子伊川程子張子邵子後裔五經

博士各一人朱子後裔五經博士二人先儒


韓氏後裔五經博士一人關氏後裔五經博士三人

孔廟執事官

三品執事官二人四品執事官四人五品執事官六人六品執事官一人七品執事官八人八品執事官十人九品執事官十人司樂一人管句一人典籍一人均七品



欽定大清會典卷三



總校官候補中書臣吳紹槃
校對官編修臣莫瞻菴
謄錄監生臣錢敬熙

欽定四庫全書薈要

史部

欽定大清會典卷六

四至



詳校官編修臣繆晉

欽定四庫全書薈要卷八千二百三十三

吏部

欽定大清會典卷四

吏部

文選清吏司

官制三

盛京官

盛京戶部禮部兵部刑部工部侍郎各一人正二品所屬郎中員外郎主事品級與在

京部院同

堂司官均滿員惟刑部有漢軍堂主事一人蒙古主事二人漢司獄一人

戶部屬司三郎中二人員外郎五人主事四人

堂主事二人筆帖式滿二十一人漢軍二人

○銀庫掌關防監督一人副監督一人司庫

二人正七品○正副倉監督各一人○管官

屯六品官二人

禮部屬司二郎中二人員外郎四人堂主事一

人筆帖式滿十人○鳳凰城迎送官三人正

五品○助教四人○讀祝官八人贊禮郎十
有六人均正九品

兵部屬司二郎中二人員外郎四人主事二人
堂主事二人筆帖式十有二人○驛站正副
監督各一人

刑部屬司四郎中四人員外郎滿六人蒙古二
人主事四人堂主事滿一人漢軍一人筆帖
式滿二十四人蒙古二人漢軍五人○賊罰

庫司庫一人正七品○司獄漢一人從九品

工部屬司二郎中二人員外郎四人主事二人

堂主事二人筆帖式滿十有六人漢軍一人

○銀庫司庫二人正七品○製造庫司匠一

人從九品○管理琉璃窯官二人正六品

管理威遠堡等六關口事務侍郎一人

以五部侍郎內

一人兼理所屬威遠堡英額門謙廠汪清靄哈鳳

凰城守口官各一人筆帖式各一人

奉天府尹一人正三品丞一人正四品治中一人正五品理事通判滿一人正六品所屬經歷一人從七品○轄京縣一承德縣知縣一人正六品典史一人未入流司獄一人從九品巨流河巡檢一人從九品○儒學教授一人正七品

盛京將軍衙門主事一人筆帖式十有一人○牛莊開原遼陽錦州蓋州寧遠廣寧義州等處

倉官各一人○清河河莊口白土廠彰武臺
新臺松嶺法庫明水塘寬邦九關臺等處邊
門並中後所筆帖式各一人

吉林將軍衙門主事一人助教一人筆帖式一
人○寧古塔錦州驛站官各二人正七品○
寧古塔倉官二人○白都訥拉林倉官各一
人筆帖式各一人

黑龍江將軍衙門主事三人筆帖式二人○黑

龍江齊齊哈爾默爾根城等處驛站官各一人正七品○黑龍江齊齊哈爾默爾根城胡蘭等處倉官各一人

熊岳錦州副都統衙門筆帖式各二人

興京遼陽復州義州岫巖金州開原鳳凰城城守尉衙門筆帖式各一人

牛莊蓋州防守尉衙門筆帖式各一人

旅順水師營廣寧寧遠協領衙門筆帖式各

一人

各省駐防筆帖式

外省將軍督撫等衙門筆帖式仍屬京官具詳於左其止

給月廩不食

祿者不載

江寧杭州荊州西安涼州綏遠城寧夏青州

福州廣州將軍衙門天津水師營都統衙門

筆帖式各三人直隸雲南總督衙門筆帖式

各一人陝甘總督四川總督衙門筆帖式各

二人山西甘肅巡撫衙門筆帖式各二人陝

西巡撫衙門筆帖式一人山海關京口副都
統衙門筆帖式各三人莊浪熱河乍浦右衛
四川副都統衙門筆帖式各二人保定府滄
州德州太原府開封府鄭家莊城守尉衙門
筆帖式各一人永平府三河縣玉田縣防守
尉衙門筆帖式各一人獨石口古北口冷口
防守尉衙門筆帖式各二人喜峯口防守尉
衙門筆帖式一人羅文峪防守尉衙門筆帖

式二人張家口總管衙門筆帖式二人歸化
城和林格爾崑都崙托克托城薩拉齊清水
河善岱協辦同知筆帖式各一人

官制四

外官

直省設總督統轄文武詰治軍民巡撫綜理教
養刑政承宣布政使司掌財賦提刑按察使司
主刑名糧儲驛傳鹽法兵備河庫茶馬屯田及
守巡各道覈官吏課農桑興賢能礪風俗簡軍
實固封守督撫挈其綱領司道布其教令以倡
各府府有知府同知通判以倡州縣州有知州

同知判官縣有知縣有丞有主簿各治其土田
戶口賦稅辭訟司學校者府曰教授州曰學正
縣曰教諭其貳皆曰訓導修四術造士以倡四
民共成治化司府首領州縣雜職則有經歷都
事理問照磨檢校知事司獄吏目典史驛丞巡
檢牘官倉庫大使或司一事或任差委皆尊卑
有紀小大相承以分猷効職阜成兆民

總督正二品

加尚書銜
從一品

直隸一人江南江西一

人福建浙江一人湖北湖南一人陝甘一人

廣東廣西一人四川一人雲南貴州一人

漕運總督一人正二品

加尚書銜從一品

河道總督正二品

加尚書銜從一品

山東河南一人江

南一人直隸河道以總督兼理

巡撫從二品

加侍郎銜正二品

山東山西河南江蘇安

徽江西福建浙江湖北湖南陝西甘肅廣東

廣西雲南貴州各一人

直隸四川繫總督兼管

學政直隸山東山西河南江蘇安徽江西福建

浙江湖北湖南陝西四川廣東廣西雲南貴

州各一人

各帶原銜品級

奉天學政以奉天府丞兼

理福建臺灣府學政以臺灣道兼理

鹽政長蘆河東兩淮各一人

由

特旨簡用或都察院奏差各

帶原銜品級

福建兩廣以總督兼理兩浙以巡撫

兼理甘肅四川雲南貴州均巡撫管理

織造江寧府蘇州府杭州府各一人

均於內務府司官內

簡用各

帶原銜品級

巡察福建臺灣滿漢各一人

由都察院奏差各帶原銜品級

承宣布政使司布政使從二品直隸山東山西

河南江蘇安徽江西福建浙江湖北湖南陝

西甘肅四川廣東廣西雲南貴州各一人○

經歷從六品直隸山東山西河南安徽江西

福建浙江湖北陝西四川廣東廣西雲南貴

州各一人○理問從六品直隸江蘇江西浙

江湖南陝西雲南各一人○都事從七品河
南福建各一人○照磨從八品山西福建浙
江湖北甘肅四川廣東各一人○庫大使正
八品直隸山東山西河南江蘇安徽江西福
建浙江湖北湖南陝西甘肅四川廣東廣西
雲南貴州各一人○倉大使從九品安徽一
人

提刑按察使司按察使正三品直隸山東山西

河南江蘇安徽江西福建浙江湖北湖南陝
西甘肅四川廣東廣西雲南貴州各一人○
經歷正七品直隸山東山西河南江蘇江西
福建浙江湖北陝西四川廣東廣西雲南各
一人○知事正八品江西一人○照磨正九
品安徽福建浙江湖南甘肅廣東貴州各一
人○司獄從九品直隸山東山西河南江蘇
安徽江西福建浙江湖北湖南陝西四川廣

東廣西雲南貴州各一人

糧儲道江南二人山東河南江西福建浙江湖

北湖南廣東雲南貴州各一人驛傳鹽法道

江蘇江西浙江湖北湖南陝西四川雲南各

一人鹽法道福建一人河道直隸四人山東

一人河南二人江蘇三人分巡道直隸山西

福建浙江陝西各四人山東江蘇湖北湖南

廣西各三人河南安徽江西雲南貴州各二

人甘肅八人四川廣東各五人均正四品○
庫大使從九品直隸山東江西福建湖北湖
南雲南各一人江蘇三人○倉大使未入流
陝西廣東各一人

都轉運鹽使司運使從三品長蘆山東河東兩
淮兩廣各一人○運同從四品長蘆山東河
東兩廣各一人○運副從五品兩浙一人○
運判從六品長蘆山東兩浙各一人兩淮三

人○監掣官正六品兩淮儀所一人○鹽課

提舉司提舉正五品雲南三人○鹽課司大

使正八品長蘆十人山東十人兩淮二十五

人兩浙三十二人陝西甘肅各一人四川九

人廣東十有三人雲南十有一人○鹽引批

驗所大使正八品長蘆山東兩淮各二人兩

浙四人兩廣一人○庫大使正八品長蘆山

東河東兩淮兩廣各一人○倉大使正八品

河東三人○經歷從七品長蘆山東河東兩
淮兩浙兩廣各一人○知事從八品長蘆河
東兩淮兩廣各一人○巡檢從九品兩淮一
人

知府從四品直隸山西河南湖南各九人奉天
一人江蘇安徽甘肅各八人江西貴州各十
有三人浙江四川廣西各十有一人山東福
建湖北廣東各十人陝西六人雲南二十一

人同知正五品

府或一二人或三四人分理督糧捕盜海防江防清軍理

事撫苗水利諸務量地置員事簡之府不設

直隸二十四人奉天

一人山東十有二人山西江西各十有一人

河南廣西各八人江蘇二十二人安徽七人

福建湖北甘肅四川廣東各十人浙江十有

五人湖南九人陝西貴州各六人雲南十有

三人○通判正六品

府或一二人或三四人管糧督捕水利理事諸

務量地置員事

直隸二十七人奉天二人山

蘭之府不設

東河南各十有一人山西十有三人江蘇十
有八人安徽雲南各八人江西湖南湖北四
川各十人福建廣東貴州各七人浙江九人
陝西四人甘肅廣西各五人○經歷正八品
直隸山西福建湖南各九人奉天一人山東
湖北廣東廣西各十人河南江蘇安徽甘肅
各八人江西貴州各十有三人浙江四川各
十有一人陝西四人雲南十有七人○同知

經歷品級同湖南一人○衛經歷從七品四
川一人○知事正九品江蘇四人浙江陝西
各一人廣西二人雲南七人○照磨從九品
江蘇六人安徽湖北各三人江西十有二人
河南福建貴州各一人浙江五人陝西四人
○同知照磨品級同江西一人四川五人○
司獄從九品直隸四人山東十人山西貴州
各二人河南安徽四川各一人福建廣東各

九人浙江湖北廣西各七人湖南雲南各五
人陝西三人○通判司獄品級同山西二人
○茶馬司大使正九品甘肅二人○宣課司
大使從九品江蘇二人○稅課司大使從九
品江蘇二人浙江四人廣東一人○倉大使
從九品直隸三人山東山西福建各二人江
蘇一人廣東六人○庫大使未入流山西一
人○茶引批驗所大使未入流江蘇一人○

鹽茶大使未入流四川一人○遞運所大使未入流江蘇一人○檢校未入流江蘇四人○長官司吏目未入流貴州四人

直隸州知州從五品直隸陝西各六人山西十人河南湖南各四人江蘇甘肅廣東各三人安徽五人江西廣西各一人福建二人四川十有九人○州同從六品直隸江蘇安徽四川各三人福建陝西甘肅各二人河南湖南

廣東各一人○州判從七品直隸五人山西
四人河南湖南甘肅各三人江蘇陝西廣東
各二人安徽江西廣西各一人四川七人○
吏目從九品直隸陝西各六人山西十人河
南湖南各四人江蘇甘肅廣東各三人安徽
五人江西一人福建廣西各二人四川九人
○稅課司大使未入流江蘇一人

知州從五品直隸十有六人奉天安徽各四人

山東四川各十有一人山西河南各六人江
蘇湖南各三人江西浙江各一人湖北甘肅
各八人陝西五人廣東七人廣西十有五人
雲南三十一人貴州十有四人○州同從六
品直隸江蘇湖北雲南各三人山東九人廣
西十有三人河南江西湖南甘肅四川各一
人安徽四人陝西貴州各二人○州判從七
品直隸十有七人奉天安徽江西浙江廣東

各一人山東廣西各六人河南湖北各五人
江蘇甘肅貴州各三人湖南四川各二人雲
南四人○吏目從九品直隸十有八人奉天
安徽各四人山東四川各十有一人山西河
南各六人江蘇湖南各三人江西浙江各一
人湖北甘肅各八人陝西五人廣東七人廣
西二十三人雲南三十一人貴州十有四人
○稅課司大使未入流山東一人○倉大使

未入流山東二人○庫大使未入流直隸一人

知縣正七品直隸一百十有八人奉天府七人
山東九十六人山西八十九人河南九十九
人江蘇六十一人安徽五十一人江西浙江
各七十六人福建六十二人湖北六十人湖
南六十四人陝西七十三人甘肅四十四人
四川一百十有二人廣東八十人廣西四十

七人雲南三十三人貴州三十四人○縣丞
正八品直隸三十六人山東三十五人山西
三人河南三十三人江蘇江西各四十八人
安徽十有七人福建二十九人浙江四十五
人湖北二十一人湖南十有三人陝西廣東
各十有九人甘肅五人四川十有八人廣西
六人雲南三人貴州八人○主簿正九品直
隸二十二人山東十有三人河南十有四人

江蘇四十人安徽五人浙江十有一人湖北
甘肅廣東各一人○典史未入流直隸一百
十有八人奉天七人山東九十六人山西八
十九人河南九十九人江蘇六十一人安徽
五十一人江西浙江各七十六人福建六十
二人湖北六十人湖南六十四人陝西七十
三人甘肅四十四人四川一百十有二人廣
東八十人廣西四十七人雲南三十三人貴

州三十四人○稅課司大使未入流河南一人江蘇二人浙江三人○倉大使未入流直隸一人○河泊所未入流廣東二人

巡檢從九品直隸四十六人奉天六人山東三十人山西四十四人河南十有七人江蘇九十九人安徽六十二人江西九十二人福建湖北各七十四人浙江三十九人湖南五十七人陝西十有一人甘肅二人四川二十六

人廣東一百四十八人廣西六十三人雲南
二十五人貴州八人

驛丞未入流直隸十有三人山西陝西各九人
河南湖北各八人江西貴州各二人浙江四
人湖南十有五人四川三人

牘官未入流直隸一人山東二十八人江蘇十
有三人

教授正七品直隸河南湖北湖南各九人奉天

一人山東山西福建甘肅廣東各十人江蘇
安徽各八人浙江廣西各十有一人江西貴
州各十有三人陝西六人四川十有二人雲
南二十二

學正正八品直隸二十二人奉天四人山東陝
西甘肅各十有一人山西廣西各十有六人
河南廣東各十人江蘇六人安徽九人江西
福建各二人浙江一人湖北湖南各七人四

川八人雲南三十一人貴州十有四人

教諭正八品直隸一百十有五人奉天二人山

東九十一人山西六十二人河南九十九人

江蘇四十六人安徽四十九人江西七十五

人福建五十八人浙江七十六人湖北五十

四人湖南五十七人陝西四十三人甘肅二

十人四川八十六人廣東七十三人廣西四

十二人雲南二十八人貴州三十三人

訓導從八品直隸一百四十人奉天五人山東
百有十人山西九十六人河南一百有五人
江蘇五十九人安徽六十六人江西九十一
人福建七十二人浙江八十八人湖北七十
人湖南七十七人陝西八十四人甘肅五十
三人四川一百二十二人廣東九十四人廣
西六十四人雲南七十五人貴州六十人

欽定大清會典卷四

欽定四庫全書薈要卷八千二百三十四 吏部

欽定大清會典卷五

吏部

文選清吏司

銓政

凡滿漢出身之途由科目由貢監由廕生由薦
舉由吏員遷秩改除在京四品以上及翰詹官
在外運使以上官列名請

特簡郎中道府以下循例銓選論俸序遷者曰推升
不待俸滿者曰即升至署職試俸開復起復降
補改補迴避告假悉有定制

凡進士第一甲第一名授翰林院修撰二名三
名授編修二甲三甲

欽定庶吉士及分六部學習外滿洲進士記名以知
縣用者按名次銓選餘以通政使司漢字知事
國子監丞博士典簿詹事府主簿光祿寺署丞

翰林院典簿等官序科選用並考取順天府滿
教授漢進士或以知縣教授即用或以知縣教
授歸班序選均竝引

見

欽定

凡舉人授職近省竝會試三科後遠省

福建湖南四川

兩廣雲南貴州

會試一科後呈部註冊以知縣用如願

就教職註冊以教職用均序科銓選以知縣用

者屆選咨取赴部時督撫覈驗如年力已衰即改用教職○直隸州州同亦以舉人選用升轉與知縣同○滿洲舉人選用知縣小京官及考補順天府教授均與滿洲進士同

凡貢監考職以賓興之年五月文結限三月內到部考試不得濫取入選者覆試恩拔副榜貢生分三等錄用一等以州同用二等以州判用三等以縣丞用捐貢監生分二等錄用一等以

主簿用二等以吏目用均注冊候選貢生考職不限年監生未滿三年不與考其考授職銜未經選用者仍聽鄉試

凡廕敘滿官一品廕生以員外郎用二品以各部院主事都察院經歷大理寺寺正光祿寺署丞用

由侍郎巡撫廕者專以主事用

三品以通政使司經歷太

常寺典簿光祿寺典簿各部寺司庫用四品以鴻臚寺主簿用年二十以上咨部引

見或以旗員用或分部學習均矣

欽定分部者二年期滿甄別優者奏留題補其次歸

班選用平庸者令回旗分蒙古漢軍一品廕生

以員外郎用二品以主事用

漢軍以大理寺寺正兼用

三品

四品以部院筆帖式用其隨旗行走分部學習

之例均與滿官同○漢文武官正一品廕生以

員外郎治中用從一品以主事用

由尚書左都御史總督廕

者以員外郎用

正二品以主事都察院經歷京府通判

用

由侍郎巡撫廕者
內用專以主事選

從二品以光祿寺署正大

理寺寺副用正三品以中書科中書大理寺評

事太常寺主簿博士通政使司經歷用從三品

以光祿寺典簿鑾儀衛經歷詹事府主簿京府

經歷用四品官廕監與貢監一例考職序選其

奉

旨外用者正一品廕生以同知用從一品以知州用

二品以通判用三品以知縣用○漢文武官恩

廕生到部奏請

命大臣考試入選者引

見以京外官錄用竣

欽定後照例銓選文理荒謬者回籍讀書三年再試

有夙嫻武藝願就武職者咨兵部○漢文職難

廕三品以上官廕知州四品以下官廕知縣布

按首領及州縣佐雜官六七品者廕縣丞八九

品者廕縣主簿未入流廕吏目

漢軍同

凡薦舉徵召賢良方正山林隱逸之士督撫確
訪具題送部請

旨○博學宏辭科奉

特旨舉行或令三品以上及科道官保舉或令督撫
學政疏薦

召試入選者均以翰林官酌量補用○督撫幕賓有
才猷出羣者許特疏薦引司道以下幕賓申督
撫保題均送部請

旨考試分別錄用

凡考取筆帖式試繙譯一道按旗定額滿洲每旗十人蒙古漢軍每旗三人注冊序選年未及十八者停選不入班次人員遇闕即補餘各按旗分班銓用食俸視出身品級為差○筆帖式由舉人恩拔歲貢生考取者七品由生員監生考取者八品由官學義學生閑散及親軍護軍領催庫使驍騎考取者九品○在京見任筆

帖式每三年考試一次入選者留任不入選者
黜退如能學習三年後許再試一次臨試不到
者議處有故不與者補試○

盛京筆帖式由

盛京兵部於本處旗人內考取以試卷封進
欽點大臣覆閱等第奏定後注冊送

盛京兵部以次擬補見任者循例三年一試其分
別去留學習再試及議處補試之例均與在京

筆帖式同○

陵寢筆帖式及各省督撫駐防城守尉等衙門筆帖式
由京補用六年期滿各該處注考送部以京闕
補用○各省駐防將軍都統副都統衙門筆帖
式由該將軍等於本處駐防旗人內考取其閱
卷注冊序補之例與

盛京筆帖式同

凡吏員授職在京書吏供事在外吏攢均五年

役滿考職

詳見驗封司

分四等一等以府經歷用二

等以主簿用三等以從九品雜職用四等以未入流雜職用○在京事繁書吏役滿勤慎無過倉書役滿無虧空均免考以從九品未入流兼掣選用○禮部儒士三年期滿免考職以鑄印局大使及外府檢校京外典史選用○

盛京各部及在京八旗外郎六年期滿考職以州同州判縣丞分別錄用

凡考選翰林院庶吉士由二甲三甲進士考試
命王公大臣公同驗閱引

見

欽授於大臣內

簡用滿漢教習各一人三年期滿考試

欽定甲乙引

見留翰林院者二甲除編修三甲除檢討餘分別授

官

詳翰林院

○監察御史滿洲蒙古由郎中員外郎

內閣侍讀漢由編修檢討郎中員外郎主事內

閣侍讀中書科中書大理寺評事太常寺博士

考選

主事非由中書評事博士升任者二年俸滿方準考選中書評事博士非由知縣升

任者不準考選

各堂官擇屬官之勤敏練達立心正直

者保送吏部滿洲蒙古不考試漢軍漢人由部

請

旨考試均竝引

見記名遇滿洲蒙古員闕以郎中二人員外郎等官

卷五

一人漢員闕以翰林一人部屬二人引

見

簡用漢人不由正途出身

進士舉貢為正途捐貢不與

及見任京

官三品以上外省督撫之子弟均不得考選

凡開列大學士以下至京堂翰林詹事官員闕均
均以應升官列名題請

簡用應補者列名在應升官之前其轉補之員及其
次應升外官應升均於疏內具名單進

呈○本部尚書侍郎以各部院尚書侍郎轉補六
部左侍郎以右侍郎轉補翰林院侍讀學士以
侍講學士轉補侍讀以侍講轉補左春坊左庶
子左中允左贊善均以右轉補○總督以左都
御史侍郎巡撫開列巡撫以學士左副都御史
府尹布政使開列本省布政使不開列布政使以按察使
開列按察使以運使各道開列運使以知府開
列○直隸江南浙江學政以侍讀侍講洗馬中

允贊善開列餘省以俸深編修檢討十人郎中

十人開列題授三年任滿題請更代

其京堂科道及翰詹

衙門侍講學士庶子以

上間奉

特旨簡用

凡月選京官郎中以下外官道府以下均分雙

單月選補審其資格覈其班次書籤彌封令應

選人親掣旗員定於每月之初五日漢員以月

之二十五日筆帖式以月之二十日在籍選補

與外任擬升及出使移疾不能赴部者本部堂

官代掣有事故者扣除應選知縣之各省進士
舉人及應升知縣之首領佐貳教職等官先期
檄令赴部曰截取以次選用將畢復截取如前
八品以下選補均不赴部閏月不選京察大計
之年是月內外官均暫停升補俟考覈具題

命下後仍按班升補○旗員月選雙月有廕監學習
進士散館庶吉士年滿大使三庫司庫等班單
月有捐納議敘降調開復期滿教習年滿倉官

等班雙單月均有進士舉人內用班按班序選
惟奉

旨即用扣選別補迴避調京及指部人員均不入班
次雙單月皆得先用病痊應補者單月不入班
次即用丁憂過班人員各按原選月分先補計
闕序補人員各按原定闕數銓補○漢員月選
雙月有廕監教習肄業議敘就職考職役滿等
班單月有行取外轉服滿開復降補七品京官

鹽場期滿等班雙單月均有學習進士散館庶
吉士進士舉人俸滿教職捐納明通等班按班
序選惟奉

旨即用裁汰別補扣除別選親老改補近省服滿坐
補原部及指定某部某省人員均不入班次雙
單月先用迴避別補病痊坐補者歸於單月不
入班次即用計闕序補人員與旗員同應選人
赴部驗到滿五十五日者始得銓選每月朔赴

部投供選授後集各員於

午門會同九卿詹事科道驗看才品優長知有
素及行止不端出身不正者各舉以

聞知縣內有年力就衰者請

旨以教職改用試各員履歷如政治確有所見繕摺
敷陳者聽試卷進

御奏請日期引

見得

旨後具題除授○月選知縣於籤選人員外以其次
應選者按班備擬班各一人一同驗看考試同
籤選官引

見遇有扣除即以備擬人員

簡用○州縣選授福建有棚民之地及年逾六十而
任在三千里外者均奏

聞請

旨親老任遠者許呈明改選近省

凡每月升調降革病故丁憂休致各員闕應歸
月選者以科鈔及內外咨揭稽勲考功司付到
之日均即日注冊滿員闕以月之三十日為限
漢員闕以月之二十日為限筆帖式員闕以月
之十五日為限限前到者本月選限後到者次
月選司官承辦遲延者分別議處

凡論俸升轉旗員見任者遇應升應改員闕論
俸擬正陪題補閱俸均則籤掣甲乙為序五品

以下郎中科道侍讀侍講洗馬庶子司業通政
使司叅議光祿寺少卿鴻臚寺少卿等官止以
本任較俸餘均以入仕食俸日為始較屢任之
俸武職改文職者通計武職所食之俸如由文
授武復用文職者論前後兩任文職之俸武職
俸不通論驍騎校護軍校前鋒護軍選補贊禮
讀祝鳴贊等官以食餉二年準一年俸親軍考
補侍衛筆帖式執事人對品題補部院員闕均

以食餉之年通行論俸○漢員升轉止以本任較俸漢軍以漢闕補用者論俸與漢人同○外任官即升卓異者不論俸餘皆論俸推升司道閱俸二年始許升轉知府以下有邊俸有腹俸腹俸三年始許升轉閱邊俸二年半準三年邊俸腹俸相等者先升邊俸○內外官員均從實授到任之日論俸其裁汰告假丁憂告病者補官後扣除離任月日仍通理前俸應降應革遇

詔免議或降革後本案開復或革職留任後經開復者亦論前俸惟廢員奉

旨起用者前俸均不準理

凡試俸旗員員外郎主事等官由

特旨補授及議敘選授無前俸者均試俸三年

年滿中書

掌橐筆帖式司獄三庫大使寶泉寶

原一員入使升主事者與議敘同降補者試

俸一年試俸五年有主事前俸

特授員外郎等官者試俸一年俸滿推升者員外郎

等官試俸一年主事等官試俸二年遴選保題

者員外郎等官試俸三年

內閣侍讀理事同知通判同

主事

等官試俸五年

理藩院起居注等處堂主事領侍衛府步軍統領黑龍江吉林

將軍等衙門筆帖式及倉官升授主事並委署主事學習期滿進士實授主事者皆同均

俟年滿始得升轉○在內郎中以下在外道府

以下援例敘用者滿漢均試俸三年稱職實授

○漢內閣中書試俸一年稱職實授○

命往試用之員自道府以下銜大於官銜與官相當

者試用一年官大於銜者試用二年稱職實授

凡即升議敘及卓異官不論俸遇應升有闕即

升○各省沿河沿海邊地苗疆官員分限三年

五年均期滿保題即升○煙瘴及水土惡劣地

方各官分限二年三年五年均期滿即升

詳見則例

凡遴選升調直省道府員闕應歸月選者道以

郎中知府府以員外郎同知推升序班銓選同

知以下州縣以上以滿漢應用人員銓補其銜

繁疲難之地

或三項或四項

道府以上請

旨簡用同知以下由督撫遴選題補至沿河沿海苗
疆煙瘴臺灣等處均令督撫於屬官內遴選題
補升任者引

見補授調任者即令補授○滿郎中見任及前任曾
列京察一等或由堂官保送者始得升用道府
試時務策一道引

見記名論俸序用漢郎中閱俸二年員外郎閱俸三

年始推用道府先期令各部堂官甄別宜繁宜
簡及留部咨部引

見後或注册序用或留部或改用及休致均候

欽定其留部者屆應推時加一級以抵外用○直隸

州知州要地員闕或調

由府屬
知州調

或升

由知
縣升

令督

撫遴選題補送部引

見事簡者歸月選令各部堂官先期於滿漢主事及
與主事品級相當之小京官內保送到部引

見注册以次序用○佐雜應調員關令督撫遴選咨部彙題補授

凡各省應題員關督撫不得逾格保題惟遵

旨題補者如無合例之人許越銜題補應調員關若合例無人或請升用或請部發均聽部議○由部推升他省者如原任緊要必需舊員方許督撫題請以升銜留任俟留任五年後方準照升銜題補遇事故離任者屆補時仍赴升任之省

補用餘不準行

凡府州縣官閱俸五年以上始許題升三年以上始許題調升補後蒞任三年政績卓著者保題以賢員注冊加一級又閱三年加銜注冊即用其有卓異及即升俸深者仍循例推升所加之銜改加一級或員闕緊要果人地相須雖年例未符亦許以調補升署之處據實奏請

凡保題即升卓異候升人員未升時緣事離任

應補時即予補用其已得推升未經引

見緣事離任應補時不歸補班仍以原升班升用題
升之員已準引

見緣事離任於赴部候補日引

見請

旨佐雜教職擬升擬選及題升議準奉

旨補授者遇有事故均於題補日以升銜補用

凡援例敘用人員由生員例監吏員出身者未

經保舉注冊不得升京官及正印官

京察一等
大計卓異

或題升京官及外任正印
官一次均準以保舉注冊

凡議敘恭修

實錄

玉牒及編纂諸書告成總裁纂修繙譯提調官及收掌
膳錄舉貢監生員供事書吏均由該館請

旨交部議敘以歲月久近等第優劣為衡或應升或
敘用或加級紀錄各有差○刑部司官覆駁重

犯出入得情外省遵駁改正者歲終彙敘每案予紀錄二次○各學教習三年期滿引

見進士舉貢生員筆帖式等分別敘用降官視等第給紀錄有差廢員列優等者視其原品予職銜有差如再留三年仍列一等者分別錄用○部院官兼內繕書房執事十年期滿列居優等者以應升予敘否則酌減○京通各倉監督威遠堡等六口守關官年滿保題以加級予敘○

盛京驛站正副監督年滿保題以應升予敘○駐
防軍營理餉司官筆帖式三年期滿回京視該
將軍所列等第見任者加級紀錄有差額外者
分班補用○坐臺筆帖式三年期滿回京視該
管總管所列等第加級紀錄有差

凡改補裁汰候補官以對品改授其額少選補
無期者許呈明對品改用例得告降者許降品

改補

提舉運副通判州同州判衛經歷
正九品之主簿等官外不準告降

○旗員

以親老請養者候選人員以京官選應升外官者停其外升均以京官一例較俸升轉藩臬以下回京引

見候

旨改用京官養親人員至應補外任之日如年已就衰停其外用○世爵武職改補文職者輕車都尉叅領以郎中用騎都尉副叅領佐領以員外郎用雲騎尉以主事用護軍校驍騎校等以七

品小京官用其世爵均仍帶於本身侍衛改用
文職者一等侍衛以三品京堂用二等侍衛以
四品京堂用均遇闕開列三等侍衛以郎中用
四等侍衛以員外郎用藍翎侍衛以主事用均
歸月選其世爵均仍帶於本身○直省不勝道
府之人令督撫酌其才力或堪事簡之郡或堪
府佐疏請改用否則勒令休致不得請以部員
改補月選知縣引

見改教者進士以教授即用舉人以學正教諭即用
督撫題請改教者繫遴選發往之人歸班改選
繫選授之人送部引

見

凡降補三品以上降官按品補用降至四品以
下者如對品無官可補許降品借補仍照原降
之品食俸推升○四品以上京堂降調不得補
部院司官外任降官不得補正印官

正途出身
復由正印

官降者仍許
補正印官

凡迴避京官尚書以下筆帖式以上祖孫父子
伯叔兄弟不得同任一署令官卑者迴避官同
則後補之人迴避外任官於所轄屬員有五服

之族及外姪親屬

母之父及兄弟妻之父及兄弟已之女壻適甥兒女姪親

師生

鄉會同考官取中者

均令屬員迴避戶刑二部司官

避本省司分順天直隸人員避五城指揮吏目
漢軍避直隸府道以下等官亦不得用刑部司

官外任官避原籍寄籍及鄰省接壤五百里以內教職止避本府如應迴避而隱匿及捏飾規避者議處

凡給銜總督授都察院右都御史總河總漕同巡撫授都察院右副都御史其應否兼兵部尚書侍郎銜由部請

旨○提督學政由部員

簡用繫二甲進士出身者給翰林院編修三甲給檢

討

凡官員升任紀錄準隨帶其軍功議敘加級及
題明隨帶或文武改補品秩相等者原任加級
均準隨帶其餘每級改紀錄一次加級食俸者
初升以食俸之級改尋常之級再升仍改紀錄
一次議敘加級見在本任每級準改紀錄四次
升任仍作紀錄一次

凡停升內外官員降革留任未經開復及見有

議處之案未結者均停升旗員有欠項未完外
官有罰俸之案亦停升

凡給假旗員有祖父母父母在外省駐防患病
欲迎歸者或祖父母父母及親兄弟在外省駐
防病故欲迎喪者均許給假京堂以上自行陳
奏餘由該堂官酌給假期以四閱月為限如非
見任由本旗都統酌給有逾限者罪之中塗阻
滯及病所在印官結報展限○在京漢官告假

回籍員闕即入月選食俸十年以上許省墓六
年以上許省親五年以上許遷葬送親及歸娶
不拘食俸均按遠近定限家居不得過四閱月
聞親有疾或年七十以上急欲覲省者不拘俸
亦不定限○教職食俸三年以上有故許假歸
由督撫酌給限期該處兼設訓導者兩官不得
並假以一人兼攝未設訓導者令知州知縣暫

攝

凡給憑赴任量遠近為限吏部書憑吏科填限
外任官親赴吏科畫憑一月以上不到有罰兩
月以上奪職在籍候補候選及在外推升之州
縣佐雜並卓異引

見未滿三年之州縣以上等官文憑封發各督撫轉
給抵任按季繳憑違限者吏科覈叅計月議處
逾限不及一月或中途風水及疾病阻滯者所
在印官具結皆得免議引

見回任及

命往各省試用者給照逾期議處與憑限同

欽定大清會典卷五

欽定四庫全書薈要卷八千二百三十五

吏部

欽定大清會典卷六

吏部

考功清吏司

考察

凡天下文官三載考績以定黜陟在內曰京察
在外曰大計京察之制三品京堂由部開列事
實具奏候

旨四五品京堂請

特簡王大臣驗看分別等第引

見餘官各聽察於其長考以四格曰守曰政曰才曰
年糾以八法曰貪曰酷曰罷軟無為曰不謹曰
年老曰有疾曰浮躁曰才力不及各注確實考
語具冊密送吏部都察院吏科京畿道各封門
覈定等次守清才長政勤而年或青或壯或健
稱職者為第一等守謹而或政平或才平年或

青或壯或健勤職者為第二等守謹而才政平
或才長政勤而守平年青及壯健供職者為第
三等皆照舊供職八法官貪酷者革職提問罷
軟無為不謹者革職年老有疾者勒令休致浮
躁者降三級調用才力不及降二級調用加級
紀錄均不準援抵覈畢集聽察各官於部以次
過堂會大學士都察院堂官吏科給事中京畿
道監察御史公同閱看別其去畱繕冊具題

命下後榜示以昭勸懲○凡出征公差丁憂告病養親給假候補降調未補者均由該衙門注考升轉降調及旗員改授部院官到任半年者從新任考覈未及半年者從原任考覈○一等官除內閣侍讀學士翰詹開坊各官不引見不優叙其餘各官由部引

見準一等者加一級遇保薦時該堂官即於一等人員內選取閱俸未滿三年及離任已逾半年者

均不得與一等

升補官通理前俸降調起廢及外任改補京官均不通理前俸

其入八法應去之員除貪酷外均引

見

老疾不能引

見者聽

注考徇情及遺漏舛錯者罪之一等

官於本任內犯貪劣事蹟者并罪原薦官自覺

舉者免議在他處犯者亦免議○八法降革官

呈辯已寃及誣訐注考官者罪之所告事不準

行

大計同

○京察官以二月二十五日為始停其

議處竣事畢出榜後補行奉

特旨者不在此例

大計之制直省督撫覈其屬官功過事蹟注考
繕冊舉以卓異劾以八法不入舉劾者為平等
限十一月內具題到部會同都察院吏科京畿
道考察題覆如督撫蒞任未久不及周知屬官
賢否者疏請展限○丁憂裁汰官未補授者從
原任考覈升轉降調官改任一年以上者從新
任考覈未及一年者從舊任考覈其老病休致

終養官不必注考解任官惟糾叅貪污者不注
考餘或一事論劾或彼此訐告仍覈其平日政
績注考不以一時緣事畧之○上考曰卓異自
道府以至佐雜才守兼優閱俸滿三年者調任官員
通計前俸均準薦舉其因公墨誤罰俸降級之員如
居官廉能亦許別疏列薦由部覈覆得

旨後檄令赴京引

見準卓異者注冊

賜衣一襲回任候升如薦舉不實遺漏該員處分之
案者分別議處卓異官犯貪酷不法其原薦官
或同省或不同省分別察議能自覺舉及經同
薦舉官覺舉者皆免議○八法官處分及引
見均如京察例糾劾失實者罪之○不入舉劾官自
知州知縣以上仍令督撫以守政才年四格注
考具冊咨部覈定等次彙繕黃冊進

呈

致仕

凡滿漢大臣引年乞休得

旨或以原品休致或晉秩或加銜或令乘傳還鄉或
官其子孫或給以原俸皆出自

特恩不為定制

凡四品以下官告休內則堂官覈咨外則督撫
覈咨由部具題以原品休致其年老有疾戀職
曠官者糾叅勒令休致

告病

凡京官告病聽回籍調理不限年三品以上自行陳奏餘皆取具同鄉官結咨部彙題病痊赴補旗員告病該管官委官確驗酌給假期調治以半年為限逾限者咨部別選○外任官告病督撫委官確驗平庸者勒令休致優者疏請聽回籍調治道府以上應否回籍由部請

旨病痊後州縣以上官督撫咨部引

見以原官補用佐雜官

州同以下

咨部補用試用官仍赴

原省試用○內外官員捏飾告病者本人及驗
看出結官皆議處回籍官營私滋事擾害地方
者奪職有司不行申報及既報而督撫不具題
者皆議處

功過

凡外任官地丁漕項全完鹽課鹽引全完運糧
全完勸民墾荒營田緝獲兇盜逃叛私鑄私銷

製造賭具私出海洋等犯以及牧字蕃息獄無
疎脫修築水利捐穀貯倉河工栽柳栽葦者均
分別議叙加級紀錄有差

凡議處官員援引律文笞杖等罪名審其公私
以定議公罪應笞一十罰俸一月二十三十各
遞加一月四十五各遞加三月杖六十罰俸
一年七十降一級八十降二級九十降三級皆
畱任杖一百降四級調用私罪應笞一十罰俸

兩月二十罰三月三十四十五十各遞加三月杖六十降一級七十降二級八十降三級九十降四級皆調用杖一百革職

凡因公降革各部司官及五城指揮等官如實習練政務人才出衆者許該堂官保奏引

見請

旨或以所降之級從寬畱任或降用或別用或照部議降革外任官自知縣以上均繕該員履歷附

疏進

呈如奉

旨令督撫出具考語送部引

見或以原官銓選者仍帶所降之級或降用或別用
或照部議降革

凡官員議罰升轉及降調者各罰見任俸裁汰
給假丁憂解任官各竢補官日罰俸革職畱任
官竢開復扣抵○王公以下世爵任部院事者

遇罰俸之案照本任應罰之俸於世爵俸內扣

除餘俸仍給○外任官應追罰俸銀休致病故
者豁免革職知縣以上仍追食過編俸佐貳雜
職因貪贓枉法革職者追俸因公墨誤者免追
凡官員升任後遇原任內應得降調處分以見
任之職降調大銜借補小任之員遇降調之案
繫捐職考職者照見任降調原銜帶於降調之
任不準以原銜升轉如見任無級可降即革任

以原銜休致不準補用繫候補候選捐職即用者仍照原銜降調○降級畱任官遇

恩詔及議叙加級準其抵銷

凡降罰繫京察大計處分及虛降者皆不抵銷

餘皆準以加級紀錄抵銷

紀錄一次抵罰俸六月四次抵降一級軍

功紀錄一次準作二次加一級準作二級有卓異即升注册者皆準抵降一級

因公墜

誤降革後經開復仍給還原任內加級紀錄老病休致官任內應得加級紀錄仍注册催徵督

徵未完處分惟軍功及錢糧全完所得加級紀錄準抵餘不準抵司官遺漏抵銷及重複抵銷者皆議處

凡降級畱任官三年無過開復革職畱任官四年無過開復在京三品以上在外督撫咨部具題餘由堂官及上司覈明送部奏請未開復之前有罰俸之案於年限內加扣罰俸月日見繳者免扣如復有降革之案繫奉

旨從寬畱任者計案遞加扣滿年限方許開復繫例
應畱任則計其後案開復在前案年限之內者
前後案並準開復如在前案年限之外者以後
降後革之日為始計滿年限開復○筆帖式從
九品未入流等官無級可降議以革職如所降
在三級以內咨詢平日居官賢否以別去畱降
級數多者仍革職其畱任未開復又罹降調者
革任

凡官員兼文武職任並世爵兼文武職任者惟
犯貪污及行止不端爵職並革溺職者文武職
任皆革其世爵應否存留具奏請

旨若奉

特旨革職者其所兼之職及世爵應否去留亦具奏
請

旨至因公墾誤革職者止革本任降級停俸亦如之
若所犯不由職任者從大銜議處

凡出師官員應罰俸者注册事竣補罰應降調者帶所降之級仍畱軍營應革職者應否畱營效力具奏請

旨準畱者事竣日送部引

見○老病休致官應降者降去頂帶應革者革去職銜革職官有應罰俸降革者注册

凡内外官辦事錯誤自行檢舉者內自京堂外自藩臬以上或處分或寬免由部請

旨餘官按處分例酌減

應革職者革職畱任應革職畱任者降四級畱任應降調

者降一級畱任應降畱者罰俸一年應罰俸者減半三月以下免議

如繫營私或

先經發覺及斷罪已行論決雖經檢舉不得寬

減

凡官員議處之案一事有兩罪名相因而致者
從重議處餘皆分別察議一人兼數任者遇同
案處分止以一任議處至律例無正條又無可
比擬者確察酌議於疏內聲明請

旨著為定例

期限

凡政事期會計各部院所受之日立之程限事
易決者各部院衙門二十日戶部刑部三十日
有咨詢及會彙各展二十日所會衙門吏禮兵
工五日戶刑十日九卿會議三十日戶部奏銷
四十日月終則會計已結未結之案具冊送科
道察覈無故逾限者計日議處○外省奉

旨及部咨應題覆者限文到後四閱月具題兼轄兩
省之總督於所轄隔省事件限六閱月違限者
計月降罰有差如案情繁重限內不能完結者
確覈具題展限

凡承審限期盜案以十月為限命案以六月為
限一切審案以四月為限限滿不結均再限四

月定限之內自州縣至督撫又各有分限

定限
十月

者州縣限五月解府州府州限兩月解司司限
一月有半解督撫督撫限一月有半題結餘仿

此州縣初叅逾限罰俸二叅逾限奪職知府直隸州知州并議處其事屬難結二限不能審解者題叅展限承審官革職畱任復限四月審結再逾革任朦溷請展者州縣至督撫降革有差○承審官公出及人犯患病解審在途各日期均許於定限內扣除接審官視前官承審過日期分別展限上司苛駁以致遲延許承審官直揭三法司刑科覈實議處妄揭者罪之○甘肅

各屬廣東瓊州及湖南苗疆州縣均於正限外
展限兩月臺灣限十閱月

凡承緝限期命案初限半年盜犯初限四月限
滿不獲罰俸再限一年嚴緝三限亦如之如仍
不獲命案降級畱任盜案降級調用

詳見
則例

其餘

一切承追接緝等事均以一年限滿察叅分別
議罰公出日期不準扣除

凡各官承督未完遇

赦免議即於

赦後起限限滿不結仍作初叅處分其限未滿而告
病終養者仍照例議處其

特旨升調及丁憂別案降革者皆以罰俸完結

凡督撫題案違限不及一月者免議一月以上
降罰有差因公出境入闈監臨並計日展限新
任及接署者按定限展半通行各屬詳議之案
視事理難易分別展限

交代回籍

凡升轉降革裁汰患病休致丁憂各官任內無未完事件方許離任如不候交代即離任者本官及上司皆議處○知府州縣運使等官新舊

交代各有定限

倉穀錢糧自二萬五千至十五萬以上及一人而有兩處交代

者照例酌展限期

逾初限者議罰逾二限者奪職上司

督催不力或限滿不察叅及借端抑勒者降罰有差未完捏報已完及被役燬匿文冊侵匿銀

者降革有差河工廳汛各官及教官交代一如
州縣例

凡交盤前官虧空後官不報者照徇隱虧空例
議處虧項責後官賠補如上司護庇前官抑勒
新官接受者許被抑之人直揭部科上司照徇
庇例議處署印官有意遲延不肯接受者降調
凡外任旗員離任歸旗以五閱月為限計程咨
部旗察覈無故逾限或中途逗遛及寄住他處

者皆革職已革者治罪地方官不速催起程督撫以下皆議處患病及中塗阻滯情實者結報免議○歸旗人員家口令地方官具冊咨送部旗察覈隱匿者議處沿塗地方有潛匿者亦如之歸旗之人不候給咨不俟察點護送而越渡者比照逗遛例議處

凡內外漢官休致丁憂給假均聽回籍如繫叅革應於原籍追贓治罪者有司計程定限到籍

後咨部察覈若罪止革職者立限催回違限及
中塗逗遛者本人及地方官皆議處○微員離
任病故家口無力回籍者地方有司酌給路費
無親僕扶柩者遣役送還本鄉

稽勲清吏司

守制

終養附

凡漢官丁憂及承重者以聞訃日始解任回籍
守制不計閏二十七月服闋以原官起用其匿

喪短喪及捏飾規避呈報遲延者皆議處月選
官在京聞訃取具同鄉官結報即聽回籍仍令
原籍有司結報在籍選補官呈報有司具結咨
部喪服未闋輒易衣冠拜官長與燕會者罪之
○在京旗員丁憂及承重者百日後入署供職
二十七月內停升外任則定限歸旗百日後本
旗引

見候

旨以京職委署服闋仍補外任不宜外任者改用京職○出師者不得於軍營發喪以回京日守制凡官員為人後者聞本生父母訃許回籍治喪一年後赴補


凡漢官祖父母父母年七十以上家無兄弟及有兄弟而篤疾不能侍養者許告歸終養年八十以上雖有兄弟或母老雖有異母兄弟亦許歸養其未合例而情有可憫者請

旨定奪旗員外任者亦如之○外任官於選補抵任後請歸養者補官日仍補原任

凡滿漢官員筆帖式應給俸廩先期由各該衙門各該旗繕冊送部察覈無訛方準移送戶部仍於歲終彙造清冊具題



欽定大清會典卷六



總校官候補中書臣吳紹潔

校對官編修臣莫瞻菴

謄錄監生臣王 沆

謄錄監生臣汪承泰

欽定四庫全書薈要

史部

欽定大清會典卷八

七

詳校官編修臣
繆晉



欽定四庫全書薈要卷八千二百三十六

吏部

欽定大清會典卷七


吏部

驗封清吏司

世爵

國初開創功臣策勲錫爵爰及苗裔與河山共永
矣

定鼎以來凡忠誠宣力懋建軍功膺授封爵者或



世襲罔替或承襲數世咸差等功次載在旂常
若夫外戚之封以推

恩澤衍聖公延恩侯以奉烝嘗酬庸展恩崇德象賢
典並隆焉

凡世爵之等有九曰公曰侯曰伯曰子曰男曰
輕車都尉曰騎都尉曰雲騎尉曰恩騎尉自公
至輕車都尉又各有三等

凡授爵自雲騎尉始如雲騎尉加一雲騎尉則

合為騎都尉再加為騎都尉兼一雲騎尉再加
為三等輕車都尉遞加至一等輕車都尉如再
加一雲騎尉則為一等輕車都尉兼一雲騎尉
再加則為三等男積雲騎尉二十有六為一等
公

凡公侯伯皆按其勲閥

褒錫嘉名以垂永世

凡軍功議叙由兵部覈定等第移部疏請授爵

以戰功議叙者統兵參贊都統護軍統領前鋒

統領副都統得一等功牌二再得二三四五等

功牌各一授雲騎尉營總參領散秩官前鋒侍

衛得一等功牌三再得二三四五等功牌各一

授雲騎尉

委署同一二三四五等皆全者方授爵或不全有可抵算者準以上等功

牌一作下等功牌二下等者不得積算上等若前後兩任所得亦準合算

前鋒校護

軍校驍騎校得一等功牌四再得二三四五等

功牌各一授雲騎尉署前鋒校護軍校驍騎校

得一等功牌五再得二三四五等功牌各一授

雲騎尉多一倍至數倍者由雲騎尉遞加不足

者注册○以攻城議叙者視城之大小攻之難

易分六等一等城池叙六人第一登城者授一

等輕車都尉第二至第六以次遞減

第二授二等輕車都

尉第三授三等輕車都尉第四授騎都尉兼一雲騎尉第五授騎都尉第六授雲騎尉餘仿此

都統及領雲梯攻戰官弁授騎都尉指路官弁

授雲騎尉二等城池叙四人第一登城者授三

等輕車都尉第二至第四以次遞減

領雲梯攻戰及指路

官與一等城池同

三等城池叙三人第一登城者授騎

都尉兼一雲騎尉第二第三以次遞減領雲梯

攻戰官弁授雲騎尉指路官弁克兩城者授雲

騎尉克一城者注册四等城池叙二人第一登

城者授騎都尉第二授雲騎尉

領雲梯等官弁與三等城池同

五等城池第一無雲梯登城者授雲騎尉率領

攻戰官弁克兩城者授雲騎尉克一城者注册

凡已攻毀城池第一先登者授雲騎尉領戰官
弁授騎都尉登城死者不論城池大小均授騎
都尉○以水戰議叙者奪一等舟敘五人先登
者授騎都尉第二授雲騎尉第三四五注冊奪
二等舟敘四人先登者授雲騎尉第二三四注
冊奪三等舟敘三人均注冊在舟督戰官弁各
照所奪之舟與第二人同其餘官弁與第三人
同○以陣亡贈爵者統兵參贊都統授騎都尉

兼一雲騎尉前鋒護軍統領副都統授騎都尉

委署同

營總叅領前鋒校護軍校驍騎校及有頂

帶官授雲騎尉其先授世爵後陣亡者按其等次加以應贈之秩合為一爵令其子孫承襲至一等公以上爵無可加令以適子襲一等公以別子襲其餘爵

凡八旗世爵承襲順治七年九年

恩詔以前封爵均世襲罔替或論功授爵在

詔後立功在

詔前者亦世襲罔替其

詔後軍功封爵除奉

特旨世襲罔替外其餘自雲騎尉襲一次遞加至一
等公襲二十六次

功臣封爵表

一等公

襲二十六次

二等公

襲二十五次

三等公

襲二十四次

一等侯兼一雲騎尉

襲二十三次

一等侯

襲二十二次

二等侯

襲二十一次

三等侯

襲二十次

一等伯兼一雲騎尉

襲十九次

一等伯

襲十八次

二等伯

襲十七次

三等伯

襲十六次

一等子兼一雲騎尉

襲十五次

一等子

襲十四次

二等子

襲十三次

三等子

襲十二次

一等男兼一雲騎尉

襲十一次

一等男

襲十次

二等男

襲九次

三等男

襲八次

一等輕車都尉兼一雲騎尉襲七次

一等輕車都尉

襲六次

二等輕車都尉

襲五次

三等輕車都尉

襲四次

騎都尉兼一雲騎尉

襲三次

騎都尉

襲二次

雲騎尉

襲一次

凡

詔前已得世襲之爵

詔後又以軍功得封合為一爵者至一等男以上世襲
罔替自二等男以下除原世襲之爵仍世襲罔
替其

詔後所得之爵令按次承襲內有因陣亡給與者襲次
已完仍授恩騎尉令其世襲若二人軍功所封
之爵合於一人承襲者仍分計其應襲次數襲

畢者次第覈銷順治七年九年三次

恩詔所加雲騎尉承襲時覈銷○世爵承襲均由各旗
以

誥勅送部覈定咨覆該旗奏請承襲得

旨後仍以

誥勅送部由部揭送內閣書承襲之姓名年日用
寶給發

凡外戚推恩

皇太后

皇后之父

特封一等公歿者追贈其子孫世襲罔替由該旗具

奏承襲咨部

如不繫推恩所封之公承襲時請

適后及

誕聖

旨

其已襲之子孫有罪至革爵者不準承襲○

先師後裔以本支適長子襲封衍聖公由巡撫疏請

部覆承襲○明後裔延恩侯世爵由該旗具奏

承襲咨部

凡世爵之姓氏及承襲之子孫均彙書於

皇冊歲終合計一歲承襲之爵由部奏

聞移內務府將

皇冊送至

保和殿會同內閣增注襲以錦囊貯以金匱藏之

內府

封贈

凡職官恭遇

覃恩得膺封典均如其品秩給以
誥勅並推恩於其先五品以上授

誥命六品以下授

勅命一品封贈及三代

存者曰封
歿者曰贈

二品三品及二代

四品至七品一代八九品止封本身不封父母

凡封贈之階十有七正一品從一品均封光祿

大夫正二品資政大夫從二品通奉大夫正三

品通議大夫從三品中大夫正四品中憲大夫

從四品朝議大夫正五品奉政大夫從五品奉

直大夫正六品承德郎從六品儒林郎吏員出

身封宣德郎正七品文林郎吏員出身封宣議

郎從七品徵仕郎正八品修職郎從八品修職

佐郎正九品登仕郎從九品登仕佐郎命婦視

夫若子之品一品封一品夫人二品夫人三品

淑人四品恭人五品宜人六品安人七品孺人

八品八品孺人九品九品孺人

命婦但論品有級不分正從

加級者得進階受封級多仍限以制七品以下
不得逾五品五六品不逾四品三四品不逾二
品

凡推封父祖現任者不得受子孫封願解職就
封者聽父職高從父官卑則從子官武職之子
任文職者亦如之

武職給封舊隸吏部
康熙三年改屬兵部

兩子皆

仕其父母受封從優品適母繼母

適子謂父之
繼妻曰繼母

生母

庶出之子謂所
生母曰生母

並得給封如父之職高於

子嫡母繼母從父官生母從子官

或被出未嫁子有官者亦

準命婦因子孫受封者加太字受贈則否若夫

在及夫之曾祖祖父在雖封亦不加封妻止於

一適一繼○宗室女適公侯伯以下經禮部疏

請

賜鄉君以上名爵者不封外餘均視其夫若子官給
封○為人後者已封贈祖父母父母始許以本
身妻室封典貶封本生祖父母父母四品至七

品官應封一代者許以本身妻室封典
貤封祖父母八九品官許以本身封典
貤封父母三品以上貤封者請

旨定奪幼為外祖父母撫養其外祖父母歿無嗣者許捐贈

凡給封見任官應封之職以

詔下日為定署事官奉

旨及題明者許給

佐雜微員咨部署理已準部覆者亦準給

升銜畱任者

以升銜給封兼任者以本任給封丁憂終養官
及

詔後身故者仍給病假候補者不得與○各官任內
遇前

詔已封後改任者照改任封升任者照升任封加級
者不準重封○各官有應封遺漏及先緣事革
職復還職者補給所領

誥勅燬失者許重給均疏請或誤開姓氏遺忘履歷

檢舉求更改者揭送內閣更改○各官曾祖父
母祖父母父母有曾犯十惡等罪及妻非禮聘
正室或再醮不許請封貪污革職者不得封贈
因公墨誤者
仍許封贈

詔後犯事革職及計察降調者不封○失誤軍機及
貪污革職者所領

誥勅追奪若因公墨誤與別項革職者免追其祖父
本有官階非因子孫封贈者不在追奪例

廕叙

凡官員恭遇

覃恩文職在京四品以上在外三品以上武職京外

二品以上送一子入監讀書三年期滿候銓

銓選

品級詳文選司不論加級及宮保等銜均照實俸廕子

非見任者不廕原品解任食俸者準廕

凡承廕必以適長子孫適長子孫出仕或有故
方廕適次子孫無適次子孫方廕庶長子孫如

庶長皆無方廕弟及兄弟之子應合承繼者其子孫在

詔後生及緣事治罪者均不準廕

凡補廕各官廕監生未經出仕中式而病故及殘廢者許以

詔前所生子孫補廕已補者不再補○各官緣事革職其廕子未仕者革廕已仕者免止於降調及文職雖革尚存武職者均畱廕革職後如於本

案還職即準還廕或

特旨起用品秩相當並逾於原品者亦將原廕監生
題請還廕倘原廕之子殘廢病故或已出仕中
式許以

詔前所生之子補廕

凡官員歿於王事者照本官應升品級加贈並
廕一子入監讀書六月期滿候銓

銓選品級
詳文選司

其

父母妻有申請恩卹

誥勅者察明題給

土官

四川龍安府土通判一人○龍安府土知事一人○牟托水草坪土巡檢各一人○竹木坎土副巡檢一人

廣西果化州歸德州忠州安平州萬承州全茗州龍英州下石西州太平州茗盈州結安州佶倫州都結州鎮遠州上下凍州思州江州

憑祥州思陵州向武州都康州上睭州下雷
州南丹州那地州田州土知州各一人○東
蘭州土州同一人○陽萬州土州判一人○
羅陽縣羅白縣忻城縣上林縣土知縣各一
人○上龍司白山司興隆司那馬司定羅司
舊城司下旺司安定司都陽司古零司大村
崗小村崗小鎮安土巡檢各一人

雲南景東府蒙化府孟定府永寧府土知府各

一人○廣南府土同知一人○麗江府鶴慶
府土通判各一人○開化府土經歷一人○
北勝州富州灣甸州鎮康州土知州各一人
○北勝州順州鎮南州姚州土州同各一人
○鎮南州新興州土州判各一人○景東府
土知事一人○楚雄縣平彝縣雲南縣新平
縣南澗土縣丞各一人○雲南縣定遠縣土
主簿各一人○浪穹縣土典史一人○練象

關南平關定西嶺青索鼻鳳羽鄉上江莆下
江莆箭杆場蒲陀崆鎮南關納更山回磴關
沙矣舊三岔河保甸猛麻觀音山阿雄關土
巡檢各一人○版橋驛在城驛觀音山驛土
驛丞各一人

貴州鎮遠府獨山州土同知各一人○鎮遠府
土通判一人○鎮遠府土推官一人○安化
縣印江縣甕水司草塘司餘慶縣土縣丞各

一人○安化縣餘慶縣土主簿各一人○重
安司朗城司土吏目各一人○安化縣盤江
土巡檢各一人

凡土知府同知通判推官知州州同州判吏目
知縣縣丞主簿典史經歷知事巡檢驛丞等文
職承襲由部給牒書其職銜世系及承襲年月
於上曰號紙應襲職者督撫察覈先令視事令
司府州縣鄰封土司具結及本族宗圖原領號

紙納部具疏請襲適庶不得越序無子許弟襲族無可襲者或妻或壻為夷衆信服亦許襲子或年幼由督撫選本族土舍護理俟其年十有五請襲○土官年老有疾請以子代者聽○土官受賄隱匿克犯逃人者革職提問不準親子承襲擇本支伯叔兄弟兄弟之子繼其職若有大罪被戮則立夷衆素所推服者○土官支庶子弟馴謹能率衆者許申請督撫題給職銜視

本土官降二等分管疆土視本土官或三之一
或五之一再有子孫可分者分土如前例授職
再降一等

凡土官公罪應降三級以內調用者降一級畱
任應降五級以內調用者降二級畱任應革職
者降四級畱任如有貪酷不法等罪仍革職遇
降罰俸各按品級計俸罰米

每俸銀一兩
折罰米一石

書吏

凡吏員充補內閣供事及在京各衙門書吏均

有定額由召募考補或貼寫內遴選掣補嚴假

冒禁闕主毋朋充毋濫役其承充者由部取原

籍有司印結按遠近立限以結到日著役無結

者黜○外省吏攢

司道府州縣為典吏首領雜職等衙門為攢典

經制

闕擇勤慎無違礙者承充具結送該管衙門準

著役每歲終仍取結送覈○內閣事繁供事各

衙門事繁書吏五年役滿無過犯送部免其考

職以從九品未入流兼掣選用

供事赴軍營効力者亦免考職

給正八品銜先用

事簡供事書吏役滿報部每季關防

考試

事繁供事書吏送修書各館者亦考職以館班別選

告示申文各一

道試卷封貯

一考不到下次準補兩次不到除名

其直省吏攢五

年期滿申督撫每年七月內關防考試其試卷

封固並原著役日期履歷冊送部歲終合內外

吏員試卷校定等第具奏分別錄用

詳見文選司

○

事繁書吏掣定職銜及各書吏考試後不得在

京稽畱即令五城官嚴催一月內回籍令原籍官
以到籍日期申報其考授執照發各省巡撫轉
給

欽定大清會典卷七